

სსიპ საქართველოს სოფლის მეურნეობის სამინისტროს ლაბორატორია



სსიპ საქართველოს სოფლის მეურნეობის სამინისტროს ლაბორატორია

ფარმაცევტული პროდუქტების შესყიდვა გამარტივებული ელექტრონული ტენდერის

საშუალებით

( CPV 33600000)

დაფინანსების წყარო : - სახელმწიფო ბიუჯეტი

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12<sup>1</sup> მუხლის, გამარტივებული ელექტრონული ტენდერის და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების საფუძველზე

თბილისი  
2015

## სარჩევი

1. ინსტრუქცია ელექტრონულ ტენდერში მონაწილეთათვის;
2. ტექნიკური დოკუმენტაცია ;
3. სახელმწიფო შესყიდვების შესახებ ხელშეკრულების პროექტი;
4. დამატებითი ინფორმაცია;
5. ფასების ცხრილი - დანართი #1;
6. რეკვიზიტები - დანართი #2;

## 1. ინსტრუქცია გამარტივებულ ელექტრონულ ტენდერში მონაწილეთათვის

1.1. გამარტივებული ელექტრონული შესყიდვა ტარდება სახელმწიფო შესყიდვების ერთიანი ელექტრონული სისტემის მეშვეობით.

1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების შესაბამისად.

1.3 1.2 პუნქტში აღნიშნული წესის მე-11 მუხლის მე-5 პუნქტის საფუძველზე გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას ქართულ ენაზე, ბეჭედდასმული და ხელმოწერილი უნდა იყოს უფლებამოსილი პირის მიერ. დოკუმენტების ან/და ინფორმაციის უცხოურ ენაზე წარმოდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სატენდერო დოკუმენტაციასთან დაკავშირებული დამატებითი ინფორმაციის, განმარტებებისა და ტექნიკური საკითხების დაზუსტების მოთხოვნა შესაძლებელია სისტემის საშუალებით. ტენდერისთვის ამ წესის მე-2 მუხლის პირველი პუნქტის „ვ“ ქვეპუნქტით გათვალისწინებული სტატუსის მინიჭებიდან ამავე პუნქტის „მ“ ქვეპუნქტით გათვალისწინებული სტატუსის მინიჭებამდე არაუგვიანეს 24 საათისა, ნებისმიერ მიმწოდებელს უფლება აქვს სისტემის მოდულის – „კითხვა/პასუხის“ მეშვეობით მოსთხოვოს შემსყიდველ ორგანიზაციას სატენდერო განცხადებისა და სატენდერო დოკუმენტაციის დაზუსტება. შემსყიდველი ორგანიზაცია ვალდებულია ტენდერისათვის ამ წესის მე-2 მუხლის პირველი პუნქტის „მ“ ქვეპუნქტით გათვალისწინებული სტატუსის მინიჭებამდე გონივრულ ვადაში, მაგრამ არაუგვიანეს 2 საათისა შესაბამის ტენდერში წინადადებების მიღების დასრულებამდე, სისტემის მოდულის – „კითხვა/პასუხის“ მეშვეობით გააკეთოს შესაბამისი დაზუსტება/განმარტება, რითაც შესაძლებელია იხელმძღვანელოს ნებისმიერმა დაინტერესებულმა პირმა.

1.5 თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, მაშინ პრეტენდენტმა შემსყიდველის მოთხოვნიდან 3(სამი) სამუშაო დღის ვადაში უნდა დაასაბუთოს ფასწარმოქმნის ადეკვატურობა ინვოისით, რითაც დადასტურდება მის მიერ ხელშეკრულებით ნაკისრი ვალდებულებების შესრულების შესაძლებლობა.

ფასწარმოქმნის ადეკვატურობის დაუსაბუთებლობა, ინვოისის წარმოუდგენლობა ან შეუსაბამობა სატენდერო განცხადებასთან, სატენდერო დოკუმენტაციასთან ან/და სისტემის მეშვეობით პრეტენდენტის მიერ წარმოდგენილ ტექნიკურ დოკუმენტაციასთან, გამოიწვევს მის დისკვალიფიკაციას სახელმწიფო შესყიდვების სააგენტოს თავმჯდომარის 2011 წლის 07 აპრილის

№9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-13 მუხლის მე-2 პუნქტის „ა“ ქვეპუნქტის საფუძველზე.

1.6 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისთვის დაზუსტდება სატენდერო წინადადების შესაბამისად.

1.7 პრეტენდენტს არ აქვს უფლება, წარმოადგინოს ალტერნატიული სატენდერო წინადადება.

## 2. ტექნიკური დოკუმენტაცია

2.1 შესყიდვის ობიექტია - ფარმაცევტული პროდუქტები- პარაზიტების, მღრნელებისა და მწერების საწინააღმდეგო საშუალებები (CPV 33600000) ცხრილში მითითებული სახეობისა და რაოდენობების მიხედვით;

### შესყიდვის ობიექტი

| N | დასახელება                                            | მახასიათებელი                                                                                                                                                                                                                                                                                                                                                               | განზ. ერთეული | რაოდენობა |
|---|-------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------|-----------|
| 1 | მღრნელების საწინააღმდეგო საშუალება                    | ფლოკუმაფენის შემცველობით, მისატყუებელი ეფექტით, აბის სახით, აბი დაფარული ნესტგამძლე გარსით.                                                                                                                                                                                                                                                                                 | კგ            | 1         |
| 2 | მწერების საწინააღმდეგო საშუალება                      | ალფა-ციფერმეტრინის შემცველობით. გრძელვადიანი მოქმედების ინსექტიციდი, უსაფრთხო ადამიანისა და თბილისხლიანებისთვის, ეფექტური უნდა იყოს როგორც ზრდასრული მწერების, ისე მატლების წინააღმდეგ                                                                                                                                                                                      | ლიტრი         | 4         |
| 3 | პათოგენური მიკროორგანიზმები ს საწინააღმდეგო საშუალება | ტეტრაციკლინის ჯგუფის ანტიბიოტიკი, ანტიბაქტერიული მოქმედების ფართო სპექტრით, გამოიყენება მსხვილფეხა პირუტყვის, ღორების, ცხვრებისა და თხების ინფექციურ დაავადებათა მკურნალობისთვის, მათ შორის: - ბრონქოპნევმონია; კოლიბაქტერიოზი; სალმონელოზი. შეფუთვა 10 მლ, 50 მლ , ან 100 მლ-იან მუქი მინის ფლაკონებში, ჰერმეტიკულად დახუფული საცობებით და შემოფარგლულია ალუმინის ჩაჩებით. | მილილიტრი     | 200       |
| 4 | ანტიპარაზიტული საშუალება                              | ეფექტური საშუალება ინფექციური, ინვაზიური და პარაზიტული დაავადებების მიმართ, არ უნდა იწვევდეს მეტალის კოროზიას და შესაძლებელი უნდა იყოს მისი გამოყენება ცხოველების სადგომში მათი იქ ყოფნის დროს. მოქმედი ნივთიერება კრეოლინის შემცველობის                                                                                                                                    | ლიტრი         | 15        |
| 5 | გოგირდი                                               | მუნის საწინააღმდეგო საშუალება                                                                                                                                                                                                                                                                                                                                               | კგ            | 20        |

## 3. მისაწოდებელი საქონლის ხარისხი და ვარგისიანობის ვადები

3.1 მიმწოდებელმა უნდა უზრუნველყოს ვადიანი და ხარისხიანი პროდუქციის მიწოდება შემსყიდველის იურიდიულ მისამართზე: ქ. თბილისი, გომიაშვილის ქუჩა #65 ამ სახის

პროდუქციის ტრანსპორტირებისთვის დადგენილი უსაფრთხოების ყველა ნორმის სრულად დაცვით.

3.2 თითოეული პროდუქტი უნდა იყოს ზუსტად შემსყიდველის მიერ მოთხოვნილი პარამეტრების, ახალი და ქარხნულად შეფუთული.

3.3 თითოეული პროდუქტის ვარგისიანობის ვადა მიწოდების მომენტისთვის უნდა იყოს სრული ვადის **არანაკლებ 60%**.

3.5. 1, 2, 3 და მე-4 პოზიციებზე მოწოდებულ საქონელს თან უნდა ახლდეს მისი გამოყენების ინსტრუქცია.

#### **4. საქონლის მიწოდების პირობები, ადგილი და ვადა:**

4.1 საქონლის სრული მოცულობით მიწოდება უნდა განხორციელდეს ხელშეკრულების გაფორმებიდან არაუგვიანეს **10(ათი)** კალენდარული დღის ვადაში სატენდერო დოკუმენტაციის 3.1 პუნქტში მითითებულ მისამართზე.

4.2 საქონლის მიწოდება შესაძლებელია, განხორციელდეს როგორც ერთჯერადად სრული მოცულობით, ისე ეტაპობრივად, მაგრამ არაუგვიანეს 4.1 პუნქტში მითითებული ვადისა.

#### **5. მიღება-ჩაბარების წესი:**

5.1 მიღება-ჩაბარება განხორციელდება საქონლის მიწოდებისთანავე და გაფორმდება ორივე მხარის ამისათვის უფლებამოსილი წარმომადგენლების მიერ შესაბამის დოკუმენტაციასა და მიღება-ჩაბარების აქტზე ხელმოწერით;

5.2 შემსყიდველი იტოვებს უფლებას, არ მიიღოს საქონელი, რომლის იდენტიფიცირება შეუძლებელია ქარხნული შეფუთვის დარღვევის გამო, ან რაიმე სხვა მიზეზით.

#### **6. სატენდერო წინადადების ფასი და ანგარიშსწორების პირობები:**

6.1 სატენდერო წინადადებაში საერთო ფასი წარმოდგენილი უნდა იყოს საქართველოს კანონმდებლობით გათვალისწინებული ყველა გადასახადის (მათ შორის დღგ-ს) გათვალისწინებით და მიწოდებასთან დაკავშირებული ხარჯების ჩათვლით.

6.2 ანგარიშსწორება განხორციელდება საქონლის მიწოდების დამადასტურებელი დოკუმენტის {(მიღება-ჩაბარების აქტის, სასაქონლო ზედნაძებისა და საგადასახადო ანგარიშ-ფაქტურის (იმ შემთხვევაში თუ მიმწოდებელი დღგ-ს გადამხდელია, ხოლო თუ მიმწოდებელი არ არის დღგ-ს გადამხდელი, მაშინ მიმწოდებელმა უნდა წარმოადგინოს შესაბამისი ცნობა სსიპ შემოსავლების სამსახურიდან)} წარმოდგენის თარიღიდან არაუგვიანეს **10(ათი) საბანკო** დღის ვადაში;

6.4 ანგარიშსწორება განხორციელდება ლარში უნაღდო ანგარიშსწორების ფორმით;

6.5 წინასწარი ანგარიშსწორება არ გამოიყენება;

#### **7. პრეტენდენტმა ელექტრონულ სისტემაში უნდა წარმოადგინოს შემდეგი დოკუმენტაცია:**

ა. შევსებული ფასების ცხრილი დანართი #1-ის მიხედვით;

ბ. რეკვიზიტები და თანხმობა სატენდერო დოკუმენტაციის პირობებზე დანართი #2-ის მიხედვით;

ხელშეკრულება #

ქ. თბილისი

\_\_\_\_\_ 2015 წელი

ერთის მხრივ სსიპ საქართველოს სოფლის მეურნეობის სამინისტროს ლაბორატორია, მდებარე: ქ. თბილისი, გომიაშვილის ქუჩა #65 (შემდგომში „შემსყიდველი“) წარმოდგენილი \_\_\_\_\_ სახით და მეორეს მხრივ \_\_\_\_\_ (შემდგომში „მიმწოდებელი“) წარმოდგენილი \_\_\_\_\_ სახით, ვხელმძღვანელობთ რა საქართველოს მოქმედი კანონმდებლობით, შემსყიდველის მიერ ჩატარებული გამარტივებული ელექტრონული ტენდერის (SPA \_\_\_\_\_) საფუძველზე ვდებთ წინამდებარე სახელმწიფო შესყიდვის ხელშეკრულებას შემდეგზე:

**1. ხელშეკრულების საგანი**

1.1. წინამდებარე ხელშეკრულების საფუძველზე „მიმწოდებელი“ კისრულობს ვალდებულებას, „შემსყიდველს“ მიაწოდოს ფარმაცევტული პროდუქტები- პარაზიტების, მღრნელების და მწერების საწინააღმდეგო საშუალებები ( CPV 33600000) (სატ. განცხ. SPA \_\_\_\_\_; \_\_\_\_\_ 2015წ.) დანართი #1 შესაბამისად წინამდებარე ხელშეკრულების პირობების განუხრელი დაცვით, ხოლო „შემსყიდველი“ კისრულობს ვალდებულებას, მიიღოს მიწოდებული საქონელი და უზრუნველყოს ანგარიშსწორება წინამდებარე ხელშეკრულებით გათვალისწინებული პირობების შესაბამისად.

1.2. შესყიდვის დაფინანსების წყაროს წარმოადგენს სახელმწიფო ბიუჯეტი.

**2. ხელშეკრულების ჯამური ღირებულება**

2.1 ხელშეკრულების ჯამური ღირებულება შეადგენს \_\_\_\_\_ (\_\_\_\_\_) ლარს (შემდგომში ხელშეკრულების ღირებულება).

2.2 შესყიდვის ობიექტის დეტალური ხარჯთაღრიცხვა და პარამეტრები მოცემულია დანართში #1.

2.3 ხელშეკრულების ჯამური ღირებულება მოიცავს „მიმწოდებლისთვის“ საქართველოს კანონმდებლობით განსაზღვრულ ყველა გადასახადს, მოსაკრებელსა და ხარჯს, დაკავშირებულს შესყიდვის ობიექტის მიწოდებასთან.

**3. შესყიდვის ობიექტის მიწოდების ვადები, ადგილი და პირობები**

3.1 შესყიდვის ობიექტის მიწოდება შეიძლება განხორციელდეს როგორც ერთჯერადად სრული რაოდენობით, ისე ეტაპობრივად.

3.2 შესყიდვის ობიექტის სრულად მიწოდების საბოლოო ვადაა ხელშეკრულების გაფორმებიდან არაუგვიანეს 10(ათი) კალენდარული დღე.

3.3 მიმწოდებელმა უნდა უზრუნველყოს ვადიანი და ხარისხიანი პროდუქციის მიწოდება შემსყიდველის იურიდიულ მისამართზე: ქ. თბილისი, გომიაშვილის ქუჩა #65 ამ სახის პროდუქციის ტრანსპორტირებისთვის დადგენილი უსაფრთხოების ყველა ნორმის სრულად დაცვით.

3.4 მიწოდებული საქონელი უნდა იყოს ზუსტად დანართი #1-ში მითითებული პარამეტრების, ახალი და ქარხნულად შეფუთული.

3.5 1, 2, 3 და მე-4 პოზიციებზე მიწოდებულ საქონელს თან უნდა ახლდეს მისი გამოყენების ინსტრუქცია.

3.6 „შემსყიდველი“ იტოვებს უფლებას, არ მიიღოს საქონელი, რომლის იდენტიფიცირება შეუძლებელია ქარხნული შეფუთვის დარღვევის გამო, ან რაიმე სხვა მიზეზით.

**4. ხელშეკრულების მოქმედების ვადა**

4.1 წინამდებარე ხელშეკრულება ძალაში შედის მისი ხელმოწერის დღიდან და მოქმედებს 2015 წლის \_\_\_\_\_.

## 5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება მხარეთა მიერ საამისოდ უფლებამოსილი წარმომადგენლების ხელმოწერებით. „შემსყიდველის“ მხრიდან მიღება-ჩაბარების აქტს ხელს მოაწერს \_\_\_\_\_.

5.2 მიღება-ჩაბარების აქტის გაფორმებასთან ერთად „შემსყიდველს“ წარედგინება ანგარიშსწორებისთვის საჭირო ყველა დოკუმენტი.

## 6. ხელშეკრულების ობიექტის ხარისხი და გარანტია

6.1 „მიმწოდებელი“ იღებს ვალდებულებას, რომ სადიაგნოსტიკო საშუალებები იქნება დანართ #1-ში მითითებული, ზუსტად შემსყიდველის მიერ მოთხოვნილი პარამეტრების და ახალი, ქარხნულად შეფუთული.

6.2 თითოეული პროდუქტის ვარგისიანობის ვადა მიწოდების მომენტისთვის უნდა იყოს სრული ვადის **არანაკლებ 60%.**

6.3 „შემსყიდველი“ ვალდებულია, წერილობითი ფორმით, დაუყოვნებლივ აცნობოს „მიმწოდებელს“ წუნის აღმოჩენის შესახებ.

6.4 შეტყობინების მიღების შემდეგ, „მიმწოდებელი“ ვალდებულია, „შემსყიდველის“ მიერ მითითებულ ვადაში აღმოფხვრას წუნი საკუთარი ხარჯით ან ჩაანაცვლოს ახალი საქონლით.

## 7. ანგარიშსწორების ფორმა, გრაფიკი (ვადები)

7.1 „მიმწოდებელთან“ ანგარიშსწორება განხორციელდება ლარში;

7.2 შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;

7.3 წინასწარი ანგარიშსწორება გათვალისწინებული არ არის.

7.4 ანგარიშსწორება „შემსყიდველის“ მიერ მოხდება, შესყიდვის ობიექტის მიწოდების დამადასტურებელი დოკუმენტების - მიღება-ჩაბარების აქტის, სასაქონლო ზედნადებისა და საგადასახადო ანგარიშ-ფაქტურის (თუ მიმწოდებელი არ არის დღგ-ს გადამხდელი, მაშინ მან უნდა წარმოადგინოს შესაბამისი ცნობა სსიპ „შემოსავლების სამსახურიდან“), წარმოდგენიდან არაუგვიანეს **10 (ათი) საბანკო დღის** ვადაში.

7.5 იმ შემთხვევაში, თუ „მიმწოდებელი“ დაარღვევს ხელშეკრულებით განსაზღვრულ ვადებს, დაეკისრება პირგასამტეხლოს გადახდა. „შემსყიდველი“ უფლებამოსილია, უარი თქვას სანაცვლო ვალდებულების შესრულებაზე „მიმწოდებლის“ მიერ პირგასამტეხლოს თანხის სრული ოდენობით დაფარვამდე.

## 8. მხარეთა უფლება-მოვალეობანი

8.1 „შემსყიდველს“ უფლება აქვს:

- შეამოწმოს შესყიდვის ობიექტის შესაბამისობა ხელშეკრულებით გათვალისწინებულ პირობებთან.

- განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე. უარი თქვას უხარისხო შესყიდვის ობიექტის მიღებაზე.

8.2 „შემსყიდველი“ ვალდებულია:

- წერილობით აცნობოს „მიმწოდებელს“ შესყიდვის ობიექტთან დაკავშირებული ყველა გარემოების შესახებ.

- მოახდინოს ანგარიშსწორება „მიმწოდებელთან“ ხელშეკრულებით გათვალისწინებული პირობების

შესაბამისად;

- დაიცვას ხელშეკრულების სხვა პირობები.

8.3 „მიწოდებელს“ უფლება აქვს:

- მოსთხოვოს „შემსყიდველს“ მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.

8.4 „მიწოდებელი“ ვალდებულია:

- გააფრთხილოს „შემსყიდველი“ შესყიდვის ობიექტის მიწოდების შეფერხების შესახებ.

- დაიცვას ხელშეკრულებით გათვალისწინებული ყველა პირობა.

## **9. მხარეთა პასუხისმგებლობა ხელშეკრულების დარღვევისას**

9.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.2 დამრღვევ მხარეს ამ ხელშეკრულებით გათვალისწინებული ვალდებულებების შესრულების ვადის გადაცილების შემთხვევაში, ეკისრება საურავი, ყოველ ვადაგადაცილებულ დღეზე - შეუსრულებელი ვალდებულების ღირებულების 0.1% -ის ოდენობით.

9.3 ხელშეკრულებით გათვალისწინებული ვალდებულების შეუსრულებლობის, ან არაჯეროვნად შესრულების შემთხვევაში ხელშეკრულების შეწყვეტისას, დამრღვევ მხარეს ეკისრება პირგასამტეხლოს გადახდა, შეუსრულებელი ვალდებულების 10%-ის ოდენობით.

9.4 თუ ხელშეკრულების რომელიმე მხარის მიერ წინამდებარე ხელშეკრულებით ნაკისრი ვალდებულებების შეუსრულებლობით, ან არაჯეროვნად შესრულებით გამოწვეული საჯარიმო სანქციების ჯამური თანხა გადააჭარბებს ხელშეკრულების ღირებულების 3%-ს, მაშინ ხელშეკრულების მეორე მხარეს უფლება აქვს, შეწყვიტოს ხელშეკრულება.

9.5 ხელშეკრულების შეწყვეტისას, მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.6 ხელშეკრულების შეწყვეტა არ ათავისუფლებს მხარეებს ხელშეკრულების შეწყვეტამდე არსებული ვალდებულებების შესრულებისაგან.

## **10. ხელშეკრულების პირობების გადასინჯვის შესაძლებლობა**

10.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორების გარეშე.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია, წერილობით მიმართოს მეორე მხარეს აღნიშნულის თაობაზე.

10.3 წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.4 ხელშეკრულების პირობების გადასინჯვა ხდება საქართველოს კანონმდებლობით დადგენილი წესით. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.5 ხელშეკრულებაში პირობების ცვლილება ფორმდება დანართის სახით და წარმოადგენს

ხელშეკრულების განუყოფელ ნაწილს.

## **11. ხელშეკრულების შეწყვეტა**

11.1 ხელშეკრულება შეიძლება შეწყდეს ერთ-ერთი მხარის ინიციატივით მხარეთა ურთიერთშეთანხმების საფუძველზე.

11.2 ხელშეკრულების 11.1 პუნქტით გათვალისწინებულ შემთხვევაში მხარე ვალდებულია, მეორე მხარეს აღნიშნულის თაობაზე აცნობოს წერილობით, მინიმუმ 5 დღით ადრე.

11.3 წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.

11.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს ასევე შეუძლია, მთლიანად, ან ნაწილობრივ შეწყვიტოს ხელშეკრულება.

11.5 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

11.6 „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) თუ „მიმწოდებლის“ მხრიდან ადგილი ექნება ხელშეკრულებით გათვალისწინებული პირობების შეუსრულებლობას, ან არაჯეროვან შესრულებას;

გ) საქართველოს კანონმდებლობით გათვალისწინებულ სხვა შემთხვევებში;

## **12. ფორს-მაჟორი**

12.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა

წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევა შესაბამისი დროით, გარემოებათა დასრულების შემდეგ.

12.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3 მხარე, რომელსაც შეექმნა ფორს-მაჟორული გარემოება, დაუყოვნებლივ წერილობით აცნობებს ამის შესახებ მეორე მხარეს.

## **13. დავები და მათი გადაწყვეტის წესი**

13.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2 შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

## **14. ხელშეკრულების ინსპექტირების პირობები**

14.1 „შემსყიდველი“ უფლებამოსილია, შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

14.2 ხელშეკრულების პირობების შესრულების კონტროლს „შემსყიდველის“ მხრიდან განახორციელებს ხელშეკრულების 5.1 პუნქტში მითითებული პირი.

14.3 შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.

14.4 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

## 15. სხვა პირობები

15.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2 მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

15.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.4 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15.5 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

15.6 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე, მეორე მხარეს ეცნობება წერილობით.

15.7 ნებისმიერი ოფიციალური ურთიერთობა, ხელშეკრულების დამდებ მხარეებს შორის, უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია კომუნიკაციის თანამედროვე საშუალებების გამოყენება იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ, ან ხელშეკრულებაში მითითებულ მისამართზე, საფოსტო გზავნილის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე, იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

## 16. მხარეთა იურიდიული მისამართები და რეკვიზიტები

### “შემსყიდველი“

სსიპ საქართველოს სოფლის მეურნეობის

. სამინისტროს ლაბორატორია

ს/კ: 205162802

მის: ქ.თბილისი, გომიაშვილის ქუჩა #65

მიმღების ბანკი: სახელმწიფო ხაზინა;

მიმღების დასახელება: ხაზინის ერთიანი ანგარიში;

ბანკის კოდი: TRESGE22;

მიმღების ანგარიში/სახაზინო კოდი:

707527102

### „მიმწოდებელი“

ს/კ: \_\_\_\_\_

მის: \_\_\_\_\_

მიმღ. ბანკი: \_\_\_\_\_

ბანკის კოდი: \_\_\_\_\_

ა/ა: \_\_\_\_\_

#### 4. დამატებითი ინფორმაცია

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში მისამართზე: თბილისი, გომიაშვილის ქ. #65.  
საკონტაქტო პირები: ივანე რამიშვილი ტელ: 595 053941; ასლან ცეცხლაძე ტელ: 599 559776

ფასების ცხრილი

| N | მოთხოვნილი საქონლის დასახელება                       | შემოთავაზებული საქონლის მახასიათებლები და თვისებები* | განზ. ერთეული | რაოდენობა | ერთ. ფასი<br>დღგ-ს ჩათვლით* | სულ ღირებულება<br>დღგ-ს ჩათვლით* | მწარმოებელი ქვეყანა, კომპანია * |
|---|------------------------------------------------------|------------------------------------------------------|---------------|-----------|-----------------------------|----------------------------------|---------------------------------|
| 1 | 2                                                    | 3                                                    | 4             | 5         | 6                           | 7                                | 8                               |
| 1 | მღრნელების საწინააღმდეგო საშუალება                   |                                                      | კგ            | 1         |                             |                                  |                                 |
| 2 | მწერების საწინააღმდეგო საშუალება                     |                                                      | ლიტრი         | 4         |                             |                                  |                                 |
| 3 | პათოგენური მიკროორგანიზმების საწინააღმდეგო საშუალება |                                                      | მლ            | 200       |                             |                                  |                                 |
| 4 | ანტიპარაზიტული საშუალება                             |                                                      | ლიტრი         | 15        |                             |                                  |                                 |
| 5 | გოგირდი                                              |                                                      | კგ            | 20        |                             |                                  |                                 |

შენიშვნა: (\*) აღნიშნული სვეტები ივსება მიმწოდებელის მიერ.

სულ ჯამი დღგ-ს ჩათვლით:

პრეტენდენტის ხელმოწერა და ბეჭედი:\_\_\_\_\_

**1. რეკვიზიტები:**

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკისკოდი:

ანგარიშის ნომერი:

1.1 მიმწოდებელი ეთანხმება სატენდერო დოკუმენტაციაში მოცემულ პირობებს (მათ შორის მოწოდებისა და ანგარიშსწორების პირობებს).

პრეტენდენტის ხელმოწერა და ბეჭედი \_\_\_\_\_

(არსებობის შემთხვევაში)